

QUI nescit in studiis anatomicis primum esse ponendum Medicinæ tyrocinium, invitâ Minervâ salutis aras attingit. Nec genio meliore ducitur, qui se ad eas tantum corporis humani partes evolendas accingit, quas Galeni temporibus rudis adhuc Anatomia retexerat: sibi que emerito plaudeat, si principum viscerum figuram, colorem, situm, musculorumque tendines & carnosam molem agnoverit. Curum illud artis opeiosissimæ compendium, Lanii sibi habeant & Coqui: ut quid pluris venundari, quid palato gratius condiri possit intelligant. At qui ea humani corporis arcana reterege meditari, quæ Medicum nefas est ignorare, prima viscerum quarat rudimenta: exiliiora vasa stylo & pneumaticis tubulis expandat: & quàm varia innumera glandulæ, vix lyncis oculis peripetendi, offerant præterlabentibus succis incernicula, sedulus observet: tenuissimos nervorum processus, & ex multiplici illorum in diversâ regiones distributione, partium consensum inquirat: ultima musculorum stamina attentis oculis, conspiciendis adjuvantibus, & quas exiliiores fibra trochleas, fornice, spiras, arcus, cellulas extruant, animadvertat: atque ex illorum robore vel imbecillitate, de valetudine & vitæ diuturnitate bene vel male augere. Neque verò in sola cadaverum sectione ponat operam: cum enim in vivente functionum omnium integritatem, tam fluidarum quàm solidarum partium, quibus ejus machina coalescit, discors servet conspiratio: ut quantum fluidarum impetus positos sibi limites effringere tentat, tantum solidarum robur nifus earum reprimat: non minori sedulitate liquidarum motum, quàm solidarum structuram par est investigare. Viva itaque animalium frustare præcordia. Sed his aperitis Naturam sui ipsius interpretem aulea. Nec scripta veterum, sed quæ erant oculis subiecta fideliter consule. Nec te studio veritatis dimoveant illi, qui crasso Bœotum in aëre nati, ne sènes perdenda fateantur, quæ imberbes didicere, piaculum esse clamitant à veterum opinionibus recedere. Quis enim præposteram istam quam vovet antiquitati reverentiam, ut præfixam socordiam larvam non agnoscant: cum non simili cultu vetustas probatas leges retineant, nec antiquos mores observent. An quippe lucro aversum Hippocratis animum, atque ad eos laudatam à præceptoribus venerantur illi: quibus adeo curam famæ cupido sordidus auferat, ut & socios suis è stationibus fraudulenter ejicere, & in eorum spolia audent involare: quid verò dum peregrinas invehunt consuetudines, parent ne melius edictis antiquorum? curant ne quæ sunt de ornatu decenti, à divino sene Medicis imperata, cum Tabaci abufum, exemplo pernecium deducentes veniens in ævum, amplectantur: ut nec jam pudeat, faciem illam, quæ & modestâ securitate, & sereno aspectu agrorum spes jubet esse ratas, deleterio pulvere conspurcatam ostentare, & manus fatali pyxide impeditas, ad iudicium de vita aut morte ferendum admove: minimùm solliciti, quòd rem nullâ falsæ mentis contentione agendam, quasi aliud agentes, & Nicotianæ illusionibus lymphati, tractare videantur.

ANTIQUOS Medicinæ proceres æquum est venerari, non quòd ea ignorarint, quæ nostri sæculi melior fortuna rexit, sed quòd multa scitu dignissima invenierint, posterique nova commiserint plurima, quæ majores illorum non attigerant. Si igitur illi Principes Medicinæ Genii, quos nullo adhuc præeunte duce, ad penetratâ Naturæ scrutanda induxit ignea vis animi, hac ætate nascerentur iterum, tot freti subsidii, quæ nunc ad evolenda Naturæ mysteria feliciter inferviunt, quò non, suis cognita temporibus promoverent: & sua si scripta ipsi commentariis illustrarent, quos illa legentes stylium verterent? quot falsâ, quot obscura, cum veris & evidentibus permixtæ? Vana facultatum idola nihil ignorantie malum levantia ab Æsculapii templis proficerent: nec jam operam perderent, ut inanes elementorum crases ad stateram appenderent, sed elegantem nervosarum partium structuram, sanguinis assiduum motum, mutuoque occurfus amari & acidi, dulcis & salis, quos olim innuerat Hippocrates, ut vite, ita & functionum omnium causas agnoscerent. Quæ itaque signassent vestigia, simili labore, veri illorum diligentia cultores sequantur. Veritatem, quâ nihil est antiquius, perpetuò venerentur, ejusque amorem, vera semper tyrionibus exponentes, inspirent. Neque fas sit, ut ex suggestu, indocilis quivis sæcunda de gente Meneni, ad libitum, dogmata gentium pene omnium consensu recepta impugnet audeat, ut oboleros ævum scenæ iterum committat, in divinam artem dedecorum injuriosus audiat. Integer mentis, excludat quæ nihil attinent ad mechanicæ leges intelligendas, quibus vivendum regitur & sibi constat economia, sensuumque addidit fidei, illis testibus exploret, quid ad breve aut diuturnum errorem, læsam aut integram valetudinem, stabilis vel concidens partium textura, æquabilis vel tumultuosus liquorum motus valeant. Atque ut in juvenute firma partium stamina, constants illorum structura, solida membrorum caro, & floridus cutis honos, ipso tactu & visu percipiuntur, unde sanitas inculpata, validumque robur, quod juvenem præcipue vegetum ad munia præstat, agnoscitur: sic quantam humani corporis tractat secum ruinam partium nervosarum lapsum, & quàm languis à naturali circuitu deficiens, certa sit & præcepis interitus causa, multa quæ senescerent circumveniunt incommoda, edocebunt: neque enim solum marcescentibus cutis papillis illam rugis æqualior exarat, depressive nervorum fornicibus, caro mollis & ex ossibus pendula, vieta deturpat membra, sed etiam exolutis ligamentis tarda podagra vel chiragra contundit articulos: viscerum fibræ ruptis aut attritis, illorum compages solvitur: & fatiscente cordis elastico robore, gelidè quidvis senex timideque ministrat. Tot porro ruinis acervatim coincidentibus, sic ubique languis intercluditur iter, ut brevior illius in dies circuitus, tandem omnino cum calore & vitâ definit. Hæc verò quæ nonnisi post longam annorum seriem, & sensum fatali pereundi necessitate, bene natos occupant incommoda, illos sæpe vel in ipsâ corripuit adolescentiâ, si voluptatum abufu præmaturè vim nervosarum partium infringant, & structuram subvertant, frequenti rerum istarum occurfu, quæ fibras membranarum irritant, convellunt, lacerant, torpore aggravant, aut roridi humoris pabulo defraudant. Quorum quidem omnium, Vini, Aquæ vitæ, Opii, & similibus, sed maxime Nicotianæ immoderatus usus, auctor est.

VICTUS Americanis orbis ferum victorem cepit, & Americanos mores Hispanis infiravit: subreptèque novis Dominis libertate, & accelerato mortis gradu malefica stirpis abufu, incolarum suorum servitutum & funera, Luis veneræ & Tabaci donis ultus est. Hanc Herbam *Pidels* & *Petum* dictam indigenis, *Tabacum* Hispanis, sicque melius sitam, dum terra incognita claret, continentano cum grege virorum turpi morbo laborantium Iberica classis advexit: & utrumque fraude malâ gentibus nostris intulit, ut cum illis nova morborum hisce regionibus incumbere cohors. Subduci à Lusitaniâ hujus Herbe semen Nicotii Legati Regis operâ, & terræ mutato sit nomine Nicotianæ commisit, tam facile nostris solibus assuevit, quàm celeriter pravi docilis Gallica juvenis illius abufui mancipata est. Habitu sui generis planta, Hyocyamus minimus refert: sed viribus Papaverum, Solanorumque omnium adscribenda familia, Mandragoram etiam, Solanum furiosum, & Stramonium, sulphure Narcoticum, & oleo stillatido deleterio vincit. Magnis tamen virtutibus æstimanda, si recto & moderato administretur usu, primas inter optima Medicinæ instrumenta partes obtinet. Naribus scilicet, cum opus est, excepta vel integra, vel trita in pulverem, membranam stimulat, quæ nasi & ossium quibus extruitur, recessus varios convehit. Illa vero contracta, papillas & glandulas, quibus est intertexta, constringit, atque ex his, velut ex spongias manu compressis, mucus exprimit: quo quidem expurgato, serosi latentes motum eundem secuti, non flexus ac aqua siphonibus elicitæ, & vasis & glandulis vicinis continenter evocantur. Nec infligatione didimili, sive Tabaci frutulum ore contineatur, sive fumus à fistulis hauriatur, ex spongias manu compressis, mucus exprimit: quo quidem expurgato, serosi latentes motum eundem secuti, non flexus ac aqua siphonibus elicitæ, & vasis & glandulis vicinis continenter evocantur. Nec infligatione didimili, sive Tabaci frutulum ore contineatur, sive fumus à fistulis hauriatur, ex glandulæ maxillis appositæ, & salivæ ductus stimulat, contractione repetitâ salivæ vim maximam evomunt, quæ fluxu in materia derivatur, & successivâ membranam vellicatione, pulmo viscosâ pituitâ expeditus, ab asthma, tussi, catarrho, & aliis periculosis affectibus liberatur. Nec modò crudelis dentium dolor ejus sulphure confopitur: quin etiam Nepenthis Homericæ vices gerit, sollicitèque inducit obliviam vitæ: contractâ facit in paupertate beatum, & cum spe divite manat in venas, animumque juvat: immo & quibus res est angusta domi, annonæ penuriam fallit, & defluens ventriculum pituitæ copiâ, tolerandam præbet inedia, aut stupefacto nervorum sensu, diffimulat famem latrantem stomachum lenit. Nec solum internis medetur incommodis: sed externa quoque deficiencia curat ulcera & quæ plurimum vim medicamentorum eluserant, putridis absumptis carnibus, ducit ad cicatricem. Sed quantò potentiùs tot præstat admiranda, tantò ceteris confat, quàm multa sint à Nicotianæ abufu pertimescenda. Cum enim caustici vim exerit, quæ & fordida mundat ulcera, & ad vivam ulque carnem cadaverosâ & quasi corneas exuberantes processus exedit: quos hoc adurente sale tumulus excitabit, si frequentiore consuetudine naribus adnota, vel excepta fumo, teneras membranas offendens, gutturus & ventriculi nervos in spasmos egerit, cumque illis nervosum genus omne commoverit: quid damni non afferet saliva, si eo sale imbuta in ventriculum impluens, alimentis admissis, & mox in chylum versis, cum sanguine in totum corpus deportandis, acrimonie hujus semina insperferit: an verò minus erit formidandum sulphur illud Narcoticum assidue inspiratum? quod & atrocis dentium cruciatus obtundere, & famem inducitur torpore sedare, immò & sensus omnes, atque una principes cerebri functiones ita potis est confopire, ut Nicotianæ ebrius sulphure, pocula lethæos ut si ducentia somnos arente fauce traxerit, miseriarum oblitus sibi beatus esse videatur. Quis hæc cum expendit, si sapit & adhuc liber est, non timeat Danaos & dona ferentes?

ILLI robur & æs triplex circa pectus erat, qui non ignarus quàm horrenda symptomata Tabaci usum explorantem corripissent, illum tamen voluit experiri. Sed nullum mortis timuit gradum, qui venenum istud Cicutis nocentius, repetitis vicibus ausus est visceribus combibere: nec frequentes terribilibus fumi expalluit haustus. Nonne potius illum corpus effine pectore credideris, quem non terreat furarum cohors, quæ ex illa Pandoræ pyxide pulvis emissione miserum invaserit. Enimverò repente nescio quid veneni sedit in præcordiis: nausæ & cardialgiæ stomachicus læcessit: diro vomitu ventriculum subvertitur: molesta veritè caput equo quatit: tenebrosâ suffusio instanti mortis pingit oculis imaginem. Tum porro quantis anxium corpus calor & frigoris alternis insulsiis horret? quoties cor ipsum muneris deficiens, illi sanguinis & spiritus commercium denegat? adeo quòd memoria læthæus prima sit lethali tubuli præda, quod nec sensum, nec jam sit rationis compos, qui Nicotianæ facris initiatur. Hæc si vigil aliquis viderit & vitæ principiorum iacturam præviderit, quæ tot ex tempestatibus sit pertimescenda, postponet ne vivendi desiderium Nicotianæ præstigiis: His juvet incantari miseros, quos tardiora fata votis manent, & ingrata quibus vitæ ducentia est in hoc, novis ut ut quæ suppetat doloribus, aut quos vigentis tenuis macerat, deficiente crumena. Quærat in Nicotianæ fumo, nauta qui transmare currit, & miles multo fractus membra labore, quò sibi vitæ tædium diffimulent. Strenua denique hæc exerceat inertia remigium vitiosum Ulyssis, & vulgus otiosum, fruges consumere natum. At si tibi vigentium est non inculcum, nec turpiter hirtum, si gratia, valetudo contingat abunde, & tibi quod satis est, dederit Deus autem te fruenti: ut sapiens Ulysses Sirenum vitæ cantus, à tygiis tubulis abstinebis, & odore malefico & odore malefico, fugies cane pejus & angue, aut si te virtus deficiat, permittes ut libera amicorum consilia, atque etiam contumelia graves, te pudore suffundant, vel ut tandem eripiantur per vim mentis gratissimus error, quamvis sæpe clamites, Pol me occidisti amici: ne, si te illorum indulgentia Nicotianæ furoris commiserint, non modò pectus illa affligat huius divinæ particulæ aræ, & vitæ onustum corpus nimum quoque aggravet unâ: sed ne illud ipsum corpus in primo juvenitissimæ præmaturâ senectute correptum, fiat Libitinae quaestus acerba. Verùm his aures præbet obsecrat Nicotianæ fumo lymphatus, aut si montis annuerit, & hæc severus palam laudaverit, atque etiam servari lubricum ventis diversit pulverem, jamjam futurus abstinentis, iustus contagiosum fugere commercium, clam, quasi dum fallit amicos, se quoque fallat, lethæos redibit tubulos, quibus caput & nervos infregit. Impedit enim consilium voluptatis rationica inima, & mentis, ut ita dicam, perstringit oculos: miseraque adeo fors illorum est quos obcecavit, ut ex consuetudine necessitas apud eos invalcat: & ex supervaciâ olim nugatione, res seria tandem exurgat, quæ care non possint. Immo inde sibi Nestores annos, vitamque à doloribus immunem pollicentur, & sanitati se potius quam voluptati consilere dicitant, si faucibus perpetuò teter halitus saniesque manet: & si quidquid serosi humoris per publicas vias & cæca spiracula solet externi, ad naves evocet. Verùm in fraudem ducti, odoratus organum præter Naturæ institutum assiduo Corysæ stillicidio deturpant. Nasus quippe Campanulæ figurâ odoribus infundis natus est: non ad percolandos humores instructus, cui muneri destinata partes, in morem infundibili adornatae sunt. Atque adeo solis infantibus, quibus è rorido nimis adhuc capite, serosa illuvies datâ qualibet porta ruit, mucos nares turgent: & senibus, quibus malè jam connexis partium flaminibus rimofum corpus effluit, indecora pendet stria naso. At bene valentes, firmaque agentes ætate, nisi catarrho laborent, vix mucus naribus deponunt, præter eum quo pars sensus obtunderetur. Longè igitur absunt à Naturæ proposito, qui tenuissimam membranam faciem odorum iudicem, Narcoticum Tabaci sulphure, & irriguo humorum flumine obruunt: ossesque cancellos mirâ arte elaboratos ad retinenda suaveolentis corporis effluvia, gravidine perpetuâ impediunt. Quin & divinæ Palladis arcem sordium pondere atterunt, latrinisque ad sublimes ædium partes translatas, mentis folio cloacam admovent. Prodest quidem aliquando, hærentem à fomno mucus sollicitare, & stercorationibus, lympham in vicinis glandulis stagnantem elicere: at qui remedio in consuetudinem versò abutuntur, non caput levant, sed opprimunt: & dum futura sanitatis spe, morbum sibi continuum asciscunt, ita lympham à reliqua sanguinis massa divellunt, ut ejus fibræ vehiculo quo ferebantur destituta, ferè immobiles coeant. Unde sapius subite mortes, atque intestata senectus, arte malâ provocatum catarrhum excipiunt.

QUÆ res nobis & substantiæ similitudine familiares, & qualitatum temperie benignæ, in usum quotidianum magna cum utilitate usurpantur, abufu vite pessime: nosque etiam aliquando subverbis repente vitæ principii jugulant, ut ideò non raro vini, & alimentorum etiam euchymorum mole nimia oppressus calor nativus subito extinguitur. Sic & suavius odorum, qui usu moderato naribus admitti cerebrum recreant, & cordis vires reficiunt, frequentior usus, & copia largior, sanguinem accendit, cerebrum concutit, & nonnunquam lymphomiam, aut insulsum movet epilepticos. Quis igitur furor est, eò usque pernicioso Nicotianæ pulvere abuti ut non modò sapius quam cibis & potus admoveatur: sed eadem etiam frequentia quæ aër in pulmones influit, naribus inducatur, atque ita illarum ductus occupet, ut quidquid aëris continuò per nares ad pulmonem rapitur, deleterio Peti sulphure, & acri sale imbutum accedat, atque hinc sanguini mixtum, divinum latitem malignis spiritibus inficiat: quorum effero motu dum sanguis veluti cervi percipit, ut seditiosis & desultorios advenas extra claustra deturbet, sibi luosus diffidit armis, insaufum sæpe certaminis exitum immerita pars principis luit. Titillationem quæ nares movet præstigiatrix hæc Herba, quæ tam imperiose de humana libertate triumphat, ut ejus captivi, etiam infanti, naribus illam inferant, non ineptè narium venerem licet appellare. At quemadmodum voluptatem illam, quam Venus quintâ sui parte nedaris imbut, brevem epilepsiam vocaverunt antiqui: sic & illam Nicotianæ voluptatem, levem, sed ferè continuam epilepsiam jure dixeris. Hujus enim acuti pulvere vellicata quolibet momento tenuis narium membrana, capitis quoque meninges convellit: atque una reliquis omnes corporis nervos partes succutit, viscera que etiam tam frequenter exagitat, ut illa deinceps qualibet ex causâ ad afflicta commotionem reducantur. Quantum enim membranae narium consensum cum remotissimis viscerum nervis valeat ad procelles ejusmodi provocandas, similes agunt in spasmos, cerebrumque ipsum, contractis ejus involucris, opprimunt. Cum verò hæc symptomata partes ferpius & facilius invadant, prout illa frequentioribus convulsionum insulsiis ferè semper tremulæ, quadam sunt veluti consuetudine in convulsionem pronæ, palam est futurum ut ex perpetuâ titillatione quam Nicotianæ abufus movet, partes nervosæ omnes sint ad convulsionem dispositæ: ac proinde qualibet humorum irritatione, aut odoris impulsu, hisce convulsivis motibus corripiantur, qui nunc vapores audiunt. Illa porro turbidis tot succussibus diutius læcessitæ, ductus passim obtrati, sanguinis & spirituum commeatum interceptant: ut nec in locum particularem quo motu & expiratione disfluunt, novæ possint substitui, nec residuus sanguis ad venas libere valeat remeare. Unde partes nutritionis beneficio privantur: vel onere superfluo obruantur: & alterutro pariter contabescunt. His accedit, quòd plures nervorum fibræ narcotico Peti halitu persuse fupecant. Quemadmodum enim Opia pulvis oleosis, artheris, salinis, atqueque pariter liquoribus diluitur: quo singulari discrimine à reliquis sulphuris generibus discrepat: sic & congener spiritibus animalibus impervi, donec majore illorum affluente copiâ deturbentur. Verum si halitus narcotici successive sibi occurrere non desinant, exiles fibrarum ductus ita constanter obstruuntur, ut vix illis admissis spiritibus, nervos torpor occupet. Unde in ipsâ nonnunquam adolescentiâ membra labant, tremor manus solitis muneribus impares reddit: illius pedes vitiosum corpus ferè reculant, viscera marcescunt, spiræ cordis elastice desultorie moventur aut cessant: & sic tandem, vel disruptis & ruentibus partium flaminibus, viventis machina dissolvitur, vel ejus motus, sine quo nusquam est vita, deficit, ut ideò quæ subduci Nicotianâ tarda fuisset necessitas lethi, ejusdem abufu corripit gradum.

Ergo ex Tabaci usu frequenti vitæ summa brevior.
Proponebat Parisiis CLAUDIUS BERGER, Parisinus, Baccalaureus Medicus. A. R. S. H. 1699: